

րեմք քումը բարեպաշտութեան Գանդի աստ 'ի Ս. Քաղաքս Երուսաղէմ 'ի մէջ Ս. Յարութեան Աշխարհամատրան տաճարին՝ իւրաքանչիւր ազգ ունի զյատկօրէնութիւն ինչ առ ոմանս տեղիս՝ յորում զաղօթս և զսրբազնասուրբ պատարագն մատուցանէ և զոմանս տեղիս՝ զորս վասն Ղերմեանդութեան 'ի շարթուղ միանգամ աւելէ՝ եւ ոչ ոք ումեք ներհակի . իսկ այս մի քանի ժամանակ եղեւ որ վասն անտեղեկութեան (գալող փոխանորդաց և մեծաւորաց) երկրիս սովորութեան՝ դրդմամբ ոմանց փաթերայից զսիրոյն օրէն արմատաքի խլել ջանացողաց լինի՝ և եղև սակաւ ինչ գծտութիւն՝ կամելով զրկել զմեզ յիրաւանց մերոց . զպատարագելն եւ զաւելելն կամելով խափանել, որ եթէ մեք 'ի մեր սեփհական տեղիսն զպատարագելն նոցա ոչ արգելումք, այլ հիւրասիրութեամբ պատուեմք յաւուրս պատարագելոյ նոցին, և զի՞նչ վնաս պատուոյ նոցին ծնանէր 'ի տեղիս մեր պատարագելն մեր 'ի Ս. Յարութեան տաճարին, և զաւելելն 'ի սահմանեալ տեղիսն : Ո՛վ գերապատիւ եւ աշնուապառ իշխան, երբեմն ըստ սովորութեան մերում վասն կապերտից ձգման խոժոռէին, և զայն բարձին . և այժմ յաւուրս քոյոյ աստուածասիրութեան 'ի խորանի մերում զպատարագելն մեր խափանել ջանան և զաւելելն, և այն ոչ առանց դանից՝ և արինաթաթառ առնելոյ զոմն 'ի մերոց միաբանից, որոյ ներեսցէ Աստուած՝ թէպէտ մեծ իցէ յանցանքն . զի եթէ առաջի աստուածասէր ատենի ձերոյ առանց հրամանի սպասաւորք ձեր զոմանս խոշտանգիցեն՝ յանդուզն թուին, քանի՞օն եւս յորժամ առաջի Քրիստոսի Գերեզմանին մինչ ցարեան հեզումն գանիցեն : Բայց սէրն ծածկէ զբազմութիւն մեզաց . ըստ օրինի սիրոյն Քրիստոսի՝ թողեալ լիցին յանցանքն նոցին : Սակայն զի փոքր պատճառաւ անբաւ չարիք տարածանին յաշխարհի, վասն որոյ ջանալի է արմատաքի խլել զորս հանդերձեալքն են բողոքիլ, եւ զկայծն շիջուցանել մինչդեռ ոչ իցէ լեալ հրդէհ :

Աստուածասէր և խաղաղասէր Կայսերութիւնն ուղղափառ քրիստոսապակեալ թագաւորին Պրանցայու այնքան հիմնեալ է 'ի խոր խաղաղութեան, մինչ զի շարժուն զե-